

Oromo - Beginning Warfare Prayer Scriptures

Confession Scriptures

Izraan 9:7 Bara abboota keenyaatii jalqabee hamma ammaatti balleessaa guddaa hojjechaa jirra; sababii yakka keenyaaf nuyi, mootonni keenyaa fi luboonti keenya harka mootota biyya naannoo keenya jiraniitti, billaatti, booji'amuutti, saamamuuf akkuma har'aa kana yeellaasifamuutti kennamneerra.

Izraan 9:13 'Sababii hojii keenya isa hamaatii fi balleessaa keenya isa guddaa- tiif kun hundinuu yoo nutti dhufe iyyuu, ati Waaqayyoon keenya nu hambif- tee akka jiraannu nu goote malee, akka yakka keenyaatti nu hin adabne.

Nahimiyaan 9:2 Sanyii Israa'el kan ta'an hundinuu warra ormaa irraa gargar ba'anii dhaabatanii cubbuu ofii isaanii fi irra-daddarbaa abboota isaanii in himatan.

Faarfanna 24:3,4 Gara tulluu Waaqayyootti ol ba'uun kan ta'uuf eenu? Iddoo isaa isa qulqulla'a keessas dhaabachuun kan ta'uuf eenu? 4 Isa harki isaa hin xuraa'in, garaan isaas qullaa'aa ta'e, isa yaada isaa wanta sobaa duukaa hin kaafne, isa sobaan hin kakannee dhas.

Isaayaas 59:2 yakki keessan isinii fi Waaqayyo keessan gidduu goree gargar isin in ittise, akka isiniif hin dhageenyettis sababii cubbuu keessaniitiif Waaqayyo fuula isaa isin irraa in deebise;

Isaayaas 64:6 nuyi hundumti keenya garuu akka wanta xuraa'aa taane, qajeelummaan keenya hundinuu akka moofaa xuraa'ummaa in ta'e; nuyi hundumti keenya akka baalaa in coollagne, yakki keenyas akka qilleensaa nu fudhatee in adeeme.

Ermiyaas 5:25 Yakki keessan kana isin irraa in deebise, sababii cubbuu keessaniitiifis wanta gaarii kana in dhabdan.

Uziyaa 13:8 akka amaaketa dhaltuu ilmaan ishee jalaa butataniitti ani isaan irrattan lafa dha'a; qoma isaanii cabsee onnee isaaniis nan tarsaasa; achittis saroonni isaan in nyaatu, bineensi caakkaas isaan in babbaqaqsa.

Daani'el 9:8,9 Yaa Waaqayyo, nuyi cubbuu hojenneerra, kanaafis nuyi, mootonni keenya, gurguddoonti keenya, abboonti keenyas yeellaanee lafa in ilaalla. 9 Nuyi illee Waaqayyo gooftaa keenya irratti kaaneerra, oo'ii fi dhiifamuun garuu isa bira in argama.

Maarqoosi 9:24 Achumaan abbaan mucichaa sagalee isaa ol fudhatee, 'Nan amana, amanti-dhabina kootti na gargaari!' jedheen.

Luqaas 11:2 Kana irratti inni, 'Yommuu kadhattan akka kanatti fufee jirutti kadhadhaa! "Yaa abbaa, yaa isa waaqa irra jirtu abbaa keenyaa! Maqaan kee haa qulqulla'u! Mootummaan kee haa dhufu jaalalli kee waaqa irratti akka ta'u akkasuma immoo lafa irratti haa ta'u! (Maatewoosiv 6:10)

Yohaannisi 14:6 Yesus deebisee, 'Karichi, dhugaan, jireenyis, ana; anaan yoo

ta'e malee, eenyu iyyuu gara abbaa hin dhufu.

**Yohaannisi 17:15 Isa hamaattii akka isaan eegduuf malee, biyya lafaa
keessaa akka isaan baaftuuf si hin kadhadhu.**

**Roomaatti 6:12-14 Ammas cubbuun warra kajeellaa fooniitiif abboomaman
akka isin hin godhannetti, dhagna keessan isa du'e keessatti isa hin
moosisinaa! 13 Bu'aa dhagna keessanii mi'a jal'innaa gochuudhaaf harka
cubbuu jala hin galchinaa! Garuu akka namoota warra du'a keessaa ba'anii
jirenya argataniitti, Waaqayyoof of kennitanii, bu'aa dhagna keessanii mi'a
qajeelinaa gochuudhaaf harka Waaqayyoo jala galchaa! 14 Isin seera jalatti
qabamtanii kan jiraattan utuu hin ta'in, ayyaana Waaqayyoo jala waan
jiraattaniif cubbuun isin irratti gooftummaa hin qabaatu.**

**Ibrootaatti 9:28 Akkasuma Kristos inni cubbuu namoota baay'ee
baachuudhaaf al tokko aarsaa ta'ee dhi'effame; si'a lammaffaa immoo
waa'ee cubbuuf utuu hin ta'in, warra dhimmanii dhufa isaa eeggatan
fayyisuudhaaf mul'achuuf jira.**

**Yaaqoobi 4:8 Waaqayyotti dhi'aadhaa, innis isinitti in dhi'aata. Isin warri
cubbamooni, harka keessan qulleeffadhaa. Isin warri garaa walaallammii,
garaa keessan qulqulleeffadhaa!**

**1 Yohaannisi 1:9 Cubbuu keenya yoo isatti himanne, inni amanamaa fi
qajeelaa waan ta'eef, cubbuu keenya nuuf in dhiisa, jal'ina keenya
hundumaattiis nu qulleessa.**

Forgiveness Scriptures

**Maatewoosiv 6:12-14 Akkuma nuyi warra nu yakkaniif dhiifne, yakka keenyas
nuuf dhiisi! 13 Qoramattis nu hin galchin, hamaa nu oolchi malee; *mootum-
maan, humni, ulfinnis baruma baraan kan kee ti. Ameen!*' jedhaa! 14 'Nam-
ootaaf irra-daddarbaa isaanii yoo dhiiftaniif, abbaan keessan inni waaqa
irraa immoo isiniif in dhiisa. 15 Garuu isin namootaaf yoo dhiisuufii baattan,
abbaan keessan immoo irra-daddarbaa keessan isiniif hin dhiisu' jedhe.**

**Maatewoosiv 18:21,22,35 Ergasii Phexros gara Yesusitti dhi'aatee, 'Gooftaa,
obboleessi koo si'a meeqa yoo na yakke dhiisuuf? Hamma si'a torbaattii?'
jedheen. 22 Yesus deebisee, 'Ani hamma si'a torbaatamii torbaatti malee,
hamma si'a torbaatti siin hin jedhu' jedheen. 35 'Isinis tokkon tokkon
keessan garaa keessaniin obboleessa keessaniif yoo dhiisuu dhabaattan,
abbaan koo inni waaqa irraa akkas isin in godha' jedhe.**

**Maarqoosi 11:25,26 Kadhachuuf yommuu dhaabattan, abbaan keessan inni
waaqa irraa yakka keessan akka isiniif dhiisutti, namni tokko waa isinitti
yakkee yaada keessan miidheera yoo ta'e dhiisaaf! 26 Isin yoo dhiisuu
dhabaattan garuu abbaan keessan inni waaqa irraas yakka keessan isiniif
hin dhiisu' jedhe.**

Luqaas 6:37 Yesus itti fufee, 'Namatti hin faradinaa isinitis hin faradamu; yakka hin murinaa yakki isiniti hin muramu; haa hafu jedhaa, Waaqayyos isiniif haa hafu in jedha.

Luqaas 11:4 Cubbuu keenyas nuuf dhiisi, nus immoo warra nu yakkan hundumaaf in dhiifna; qoramattis nu hin galchin, *hamaa nu oolchi malee jedhaa!*" jedhee isaan barsiise.

Luqaas 17:3,4 Ofii keessanii of eeggadhaa; obboleessi kee yoo si yakke, jabeessi isa gorsi, inni yoo yaada garaa isaa geddarate dhiisiif. 4 Guyyaattis si'a torba si yakke, si'a torbanuu immoo gara keetti deebi'ee, "Nan gaabbe anaaf dhiisi!" yoo siin jedhe dhiisuufiitu siif ta'a' jedhe.

Luqaas 23:34 Yesus garuu, 'Yaa abbaa, waan godhan hin beekani'o isaaniif dhiisi!' jedhe; warri isa fannisan immoo uffata isaa buufata mukaatiin hirmaatan.

Hujii Ergamtootaa 8:22 Kanaafis hammina kanattii yaada garaa kee geddaradhu, gooftichas kadhadhu, hamaa yaaduu kee kana dhiifamuu siif godha ta'a.

Roomaatti 4:7 'Warri seera irra daddarbuun isaanii dhiifameef, warri cubbuun isaanii akka deebi'ee hin argamne godhameef haa gammadan!

Efesooniitti 1:7 Akka badhaadhummaa ayyana isaattis Kristos dhiiga isaa nuuf dhangalaasuu isaatiin furamuu, dhiifamuu cubbuus qabna.

Efesooniitti 4:32 Walitti kan toltaan, garaas kan waliif laaftan ta'a; akkuma Waaqayyo karaa Kristos cubbuu keessan isiniif dhiise, isinis akkasuma waliif dhiisaa!

Qoloosaayisiitti 1:14 Ilma isaa kanaan furamuu dhiifamuu cubbuus arganneerra.

Qoloosaayisiitti 2:13-15 Isinis irra-daddarbaa keessanii fi dhagna-qabaa dhabuu foon keessaniif hafuuraan du'oo yoo taatan iyyuu, Waaqayyo akka isin Kristosii wajjin jiraatoo taatan godheera; irra-daddarbaa keenya hundumaas nuuf dhiiseera. 14 Wanta nu irratti caafamee ture, isa nutti hin tolin sana, waan inni karaa seeraa nu irraa barbaaduu wajjin duguugee fannootti cinqaarsuu isaatiin iddoa isaatii balleesseera. 15 Fannoo sana irrattis Kristos warra qilleensa irraa gooftummaa qabanii fi humna qaban harka duwwaa hambisee bakkeetti isaan mul'isuudhaan salphisee isaan argisiise.

1 Yohaannisi 1:9 Cubbuu keenya yoo isatti himanne, inni amanamaa fi qajeelaa waan ta'eef, cubbuu keenya nuuf in dhiisa, jal'ina keenya hundumaattiis nu quleessa.

1 Yohaannisi 2:12 Isin ijollota nana! Maqaa isaatiin cubbuun keessan akka isiniif dhiifame isiniif caafuuttan jira.